



Broj: 05/2-11/3-1640/24
Velika Kladuša, 05.11.2024. godine

Na osnovu člana 70. stav, člana 69. i člana 2. stav (1) tačka l) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku opreme za potrebe Vatrogasne jedinice Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **FIRE TRADE d.o.o. Srebrenik**, sa konačnom cijenom od **8.238,10 KM bez PDV-a**, dostavljena Ugovornom organu po JN broj: 299-7-1-30-3-66/24 od 18.10.2024. godine, te se Ugovor o javnoj nabavci opreme za potrebe Vatrogasne jedinice Velika Kladuša, dodjeljuje imenovanom ponuđaču.
2. Odbacuje se kao neprihvatljiva ponuda ponuđača NEXIS d.o.o. Sarajevo, jer ista prelazi procijenjenu vrijednost javne nabavke.
3. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
4. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

O b r a z l o ž e n j e

Na osnovu Plana javnih nabavki Općine Velika Kladuša za 2024. godinu, broj: 05/2-11/3-889/24 od 17.04.2024. godine, pokretnut je dana 18.08.2024. godine postupak javne nabavke opreme za potrebe Vatrogasne jedinice Velika Kladuša.

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-7-1-30-3-66/24 objavljeno je na Portalu javnim nabavki (ejn.gov.ba), dana 18.10.2024. godine.

Krajnji rok za dostavljanje ponuda bio je 01.11.2024. godine do 12:00 sati, a javno otvaranje ponuda izvršeno je 01.11.2024. godine u 12:15 sati, što je konstatovano Zapisnikom sa otvaranja ponuda od 01.11.2024. godine. Procijenjena vrijednost nabavke iznosi 8.250,47 KM.

Komisija za javne nabavke u Zapisniku o pregledu i ocjeni ponuda broj: 05/2-11/3-1640/24 od 04.11.2024. godine konstatovala je da je Tendersku dokumentaciju preuzelo 16 (šesnaest) ponuđača, a da su nakon isteka krajnjeg roka za dostavljanje ponuda pristigle 2 (dvije) ponude i to:

1. NEXIS d.o.o. Sarajevo, sa ponuđenom cijenom od 8.250,00 KM bez uračunatog PDV-a i
2. FIRE TRADE d.o.o. Srebrenik, sa ponuđenom cijenom od 8.238,10 KM bez uračunatog PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponuda ponuđača FIRE TRADE d.o.o. Srebrenik ispunjava formalno-pravne i tehničke zahtjeve Ugovornog organa, te je kao takva prihvatljiva i može biti predmet vrednovanja u sistemu e-aukcije, dok je u ponudi ponuđača NEXIS d.o.o. Sarajevo utvrđena greška u obrascu za cijenu ponude (tehnička specifikacija) na način da izračun jedne stavke tehničke specifikacije nije dobro izvršen. Nakon množenja

jedinične cijene sa količinom utvrđen je veći iznos, nakon čega ukupna ponuda ponuđača prelazi procijenjenu vrijednost javne nabavke. Komisija je u skladu sa odredbama tenderske dokumentacije ispravila konačan iznos, te obavijestila ponuđača NEXIS d.o.o. Sarajevo elektronskim putem, a koji se o istoj u roku očitovao navodeći da prihvata računarsku grešku, te da je za greškom za jediničnu cijenu stavio ukupan iznos stavke.

Budući da je tenderskom dokumentacijom određeno da se jedinična cijena stavke ne smatra računarskom greškom, odnosno da se ni pod kojim uvjetom ne može ispravljati, nakon računarske provjere ponude ponuđača i ispravljanja greške, iznos ponude prelazi procijenjenu vrijednost javne nabavke, te je takva ponuda neprihvatljiva za Ugovorni organ.

Članom 2 stav (1) tačka 1) propisano je da je Ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.

Ponuda može biti:

- 1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;
- 2) neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;
- 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska

E-aukcija u ovom postupku javne nabavke je zakazana ali nije održana, budući da je u krajnjem roku za dostavljanje ponuda pristigla samo jedna ponuda prihvatljiva za Ugovorni organ.

Shodno naprijed navedenom Komisija za javne nabavke u Zapisniku o pregledu i ocjeni ponuda broj: 05/2-11/3-1640/24 od 04.11.2024. godine dala je Općinskom načelniku preporuku da donese Odluku o dodjeli ugovora ponuđaču FIRE TRADE d.o.o. Srebrenik, sa ponuđenom cijenom od 8.238,10 KM bez uračunatog PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

DOSTAVITI:

1. Učesnicima u postupku, 2x,
2. Služba za upravu, društvene djelatnosti i zajedničke poslove (web stranica), -
3. U spis,
4. a/a.

